



THE DAYBREAK

“Wankantanhan Anpao kin hiyounhipi.”—Luke 1. 78.

VOL. XXIV

FOREST CITY, SO. DAK., FEBRUARY, 1909

NO. 6

ANPAO - KIN:

REV. E. ASHLEY, - - - Editor
Rev. W. Holmes, - - - Assoc. "

Anpao wotanin wowapi kin wi iyohina, wiyawapi anpetu tokaheya eca wowapi tokšu kin ognawewicakiciyapi ece Wi akenom (one year) on kašpapi yamni kajujupi kta.

Wi šakpe kin kašpapi wanji sam okise. Icupi šni itokab kdajujupi kta.

Wowapi askabyapi maša ana wanji qaiš nonpa owapi kin mazaska eekiya. ANPAO KIN opeton okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
Cheyenne Agency, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicoran wašte eceon iyounpaštakapi kta wookihi yuha. Okodakiciye-wakan opapi t'ka abebeya tipi kin, hena iyotan otakiye wašte heca kta. Bišop waun kin eciyatanhan, taku eceamon onšpašpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotania tawa toktokeca ed kagapi kta. Oyate unkita-wapi kin owasin Anpao kin icupi qa sanm wicaša tokeca wicakupi nin ecanmi.

W. H. HARE,
Yewicapišipi Bishop

WAKAN KICIYUZAPI

Shakopee, Minn.
Oct. 8, 1908.

George Canku qa Mary Otherday [wakan kiciyuzapi, William Willson wicakiyušan.

TAKUKU ON WOYAKAPI

Alaskan ikcewicaša wan kaken wocekiye eya e keyapi. “O Itancan, oceti ošata okna iyaye cin okna petaga iyaye qa iwaštena atate keš kalibog iyaye cin he iye-uncceapi kte šni e iceunniciyapi.

Bishop Knight, tuwa Cuban wita ekta yewicapišipi obašpe awanyake cin he, wita kin he ekta tokaheya hi qonhan wocekiye oyanke šakpena keya tka debantu kin wanna wikcemna yamni sam šakpekiya keya.

Advent en Anpetu wakan itopa qon hechan White Earth, Minn.,

ekta St. Columba's tipiwakan kin okna Duluth, obašpe okna Bishop un kin he Rev. Charles T. Wright qa Rev. George Smith henaos Wošnakaga econwicaši, henaos Itan-tonwanpi, qa wanna waniyetu wikcemna yamni sam iyeya Deacon wicohan kin he yuha unpi.

Rev. C. C. Rollit, Redwing, Minn. etanhan kin he tuwa yewicapišipi obašpe iškape etanhan iyaza omani kta e kalnigapi qon he Redwing ekta tipiwakan awanyake cin he February wiyawpi inonpa qonhan enakiye, qa detanhan tokatakiya Minneapolis en ti kte, qa hetanhan iyaza omani kte.

Rev. D. A. Sanford, tawa Dixon, Wyoming, ekta yewicapišipi wicohan yuha škan kin decana enakiye, qa Ito Callaway, Neb. ekta škan kta e wanna ekta hi. Mr. Sanford iyage hekta omaka wikcemna nonpa wahecetu qonhan otohanyanken, Sicangu oyanke en un tka.

January 10, qonhan Columbus, Ohio, ekta Rev. Dr. Rufus W. Clark, te-Okodakiciye wakan kin en, qa iyotan yewicapišipi wicohan en wicaša wakan okitanin qa okinihan wan heca, wanna waniyetu wikcemna šakpe sam zaptan ehan te, tawieu kin ee qa cinca zaptan hena elpeya iwicoyaye. Bdokehan August 21 qa 24 ehan Pine Ridge oyanke ekta Convocation econqonpi qonhan Doctor Clark ekta hi qa unkiyopeyapi un qa wowahokonkiye wašteste unqupi hena unkiksuyapi kta iyececa.

Bishop Keator, tuwa Olympia obašpe ekta Yewicapišipi Bishop un kin he decana Mr. W. J. Getty, wicaša wakan wicohan onspeiciye kta e kici kdušan Mr. Getty, he Methodist wicaša wakan heca tka, qa hekta Grand Rapids, Mich. qa Sturgis, South Dakota ektakta wicaša wakan yuhapi tka-Decana Seattle ekta tawicu kici wicayusutapi eawicakiconpi.

Hekta omaka 1908 icunhan makoce toktokeca ektakta wicaša wakanpi, qa wicaša ikeeka, qa winyan koya wikcemna šakpe sam nom wotanin wašte eyayapi, qa hena makoce tuktetu qa hena tawepi kin dena eepi.

Shanghai, ekta.

Rev. Robert E. Browning

Dr. Ellen C. Fullerton
Miss Ann R. Torrence.

Hankow, ekta.

Rev. John C. Dean
Rev. Percy R. Stockman
Mr. E. P. Miller
Dr. Edward M. Merrins
Mrs. Merrins
Miss R. R. Halsey
Miss A. S. Tattershall
Miss Ethel J. Wheeler.

Tokyo, ekta.

Rev. James H. Lloyd

Cuba, ekta

Rev. C. E. Snavelly
Mrs. Snavelly
Rev. Charles B. Ackley
Mrs. Ackley
Miss Elizabeth S. Attee
Miss M. D. Smith

Mexico, ekta

Rev. Harry G. Limrie
Mrs. Limrie
Rev. Allan L. Burleson
Miss Mary W. Roper
Deaconess F. B. Afleck

Haiti, ekta

Rev. George E. Benedict

Porto Rico, ekta

Rev. E. H. Edson
Mrs. Edson
Rev. A. S. Jukes
Mrs. Jukes
Miss L. R. Kennedy
Miss Ida McCullough

Philippines, ekta

Rev. Murray Bartlett
Mrs. Bartlett
Rev. Robb White, Jr.
Mrs. White
Rev. M. B. Marshall
Mrs. Marshall
Rev. F. C. Meredith
Rev. E. A. Sibley
Dr. Henry Winsor
Miss S. R. Atkinson
Miss Anna I. Henry
Miss S. A. Freese
Miss Lizzie Whitecomb
Miss Frances C. Buffington

Honolulu, ekta

Rev. Leopold Kroll
Mrs. Kroll

Alaska, ekta

Rev. Robert E. Roe
Mrs. Roe
Rev. Charles W. Peabody
Dr. Grafton Burke
Mr. Charles W. Williams
Mrs. Williams
Miss Adda Knox
Miss Agnes M. Huntton
Miss Anne E. Cody
Miss Margaret E. Wygant

Miss Margaret Wightman
Miss Henrietta Barlow

Panama Canal Zone, ekta

Rev. William H. Decker
Mrs. Decker

Africa, ekta

Miss Mabel A. Protheroe
Miss Emily de W. Seaman.

Pine Ridge, S. D. etanhan.

Lehanl le iyagna 50 cents kipiya hiyuciciya. Yunkan he hekta Dec. 25th. Christmas canglepi unyuhapi icunhan koškalaka wanji wokiksuye on hante el 50 cents otkeya. Yunkan he lecel eya, le wi kin el micina wanji lila wayazan, yunkan awacin waun kin icunhan he awacanni ye lo. Yunkan Taku wakan onšimala na omakiya na lehanl Christmas Anpetu iyehan micinca asni na kici Wakantanka itokab wiyuškinyan waun. Itancan kin tanyan ecamicon kin on miš itkom taku ecewecon kta he ecanmi kin on, ito Anpao tawomnaye kin hehanl weksuya on 50 cents he owakiye kta eya, na maqu na hiyunciciyo maši kin on tohanl iyacu na wocekiye ehe cin icunhan le koska kin cinca wayazan asni qon yeksuya wacin. He koška Messiah Chapel etanhan Dawson American Horse eciyapi, cinca kin he Wesley A. Horse eciyapi. Christian wicaša na tiwahe tawa ohinni tanyan igluha heca, nakun ohinni Wotanin wašte okiya najin, he hecetu. Paul H. Horse.

Ring Thunder Camp.

Anpao kin:

Ito iyapi conala on takul epa wacin ca he miyecilaotanin wacin ye lo. Eya St. John Chapel etan waonspeiciye omniciye wan unyuhapi na he waglaotanin ye lo. Ho na nakun koška tona Wakantanka ihukuya wowaši econpi kta ca wicunkalnigapi ca he lehanl waglaotanin kte lo. Tokaheya, Thos. Black Bull, President, na James Cloud Boy, Iyokihe; Felix L. Eagle Feather, Wowapi kaga; Allen Yellow Bear, Mazaska awanyaka; John Blue Thunder, Wamnyaye. Ho lena oitancan wicunyahapi na heon ito mitakolapi wocekiye ehan kin el onšpa nnyeksuyapi nin ecanmi ye lo. Eya tohanni lecel wowaglaka šni, icin koška onšike kin hemaca ye lo, tka owekiniš ake taku wanjigji epin kte lo tokata, ca henala epin kte. Ho hecel tona le wanlakapi kin iyuškinyan nape unniyuzape lo. Nitakolapi iyotan onšike cin he miye.

John L. Boyd.

THE DAYBREAK.

REV. E. ASHLEY: : : : EDITOR

REV. W. HOLMES. Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

OKOLAKICIYE WIYAWAPI.

February wi.

2. St. Mary Witanšana-un kin Yuskapi..... Ska
7. Septuagesima.....To stan
14. Sexagesima.....To stan
21. Quinquagesima.....To stan
24. Calhota Wednesday...To stan
28. Lent el Anpetu wakan tokaheya.

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal, canicipawega akan otkeyahan yann tka qon. maka akan wicaša unpi kin owasin Niye ekta etonwanpi qa niwicyayapi nunwe. AMEN.

WAKANTANKA Iyotān wašake cin, Woksapi ed Itancan kin, Woksapi Nitawa kin ed Itanipi kin nakun sanpa yewicayaši kta e onšičiya iceunniciyapi: hecel Waawanglake wicaka na wacinyepica heca iyenakecapi kin on Okolakiciye-wakan nitawa kin iyuškin kta, na Nitokiconze wašte oicago tawa kin yntankapi kta; Jesus Christ Itancanunyanpi kin eciyatanhan. AMEN.

O WAKANTANKA, tiwe wicawe wanjila on. wicaša oyate hiyeye cin oyasin maka kin owancaya etipi kta e wicayakage cin, na tona itehanyan naiš kiyela nupi kin, wookiye owicakiyakin kta e Nicinea wašte uyaši qon: wicaša oyasin onilepi na iyenianpi nunwe. Oyate kin optaye nitawa kin opewicaya ye, na Ikeewicaša kin wokiconze nitawa ekta awicagli ye. Tona wicayeco kin ecela wicaluccetn, na nitokiconze kin kohanna uyakiyin kta iceunniciyapi: Jesus Christ Itancanunyanpi kin hee eciyatanhan. AMEN.

O ITANCAN, tona nunipi kinhena awicayakite ca niwicyayin kta e yahi kin, na mahpiya ekta na maka akan wowašake-ataya nicipi kin, tona econwicayaši kin eciyatanhan, wicaša otoiyohe Wotanin Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iceunniciyapi. Taku wokokipe el ipi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan; makošica on wicate cin etanhan: šicaya wicakuwa toohitika kin etanhan; wocetungla na inahnipi etanhan; wowacinibošake na owolutaton kin etanhan; na oiyokpaza itancan iciconza -

pi kin owasin etanhan ewicayaku ye. Na wojupi na miniakašanpi kin icunhan waicahye cin. Niye. O ITANCAN, uwicakiya ye. Ikeewicaša wicota hein omnawicaya ye. Christian tamakoecepi kin ekta tona wowanikiye hinsko tanka aktapi šni kin hena wicayinhomni ye, hecel, O Maka Wanikiya waonšila kin. Nicaje yatanpi kta na Nitokiconze u kta: Niye. Ateyapi kin na Woniya Wakan kin ob woyonihon na wowitan luha, nunwe, maka owihanke waninl. AMEN.

Wotapi šni Itokam Wocekiye wan.

O ITANCAN, wopila unnicupi. Woteklapi kin wolwicaya ye, na wicaša oyasin, maka sitomniyan. Wiconi Aguyapi ni un kin Mahpiya eciyatanhan hi kin he olepi na iyeyapi kta e iceunniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

OMAKA 1909 OPTA OKOLAKICIYE WOKIKSUYE TAWA KIN.

Epiphany iyohakab Anpetu tommnana.

Septuagesima Anpetu wakan kin he February 7. Anpetu wakan kin le itokab Christmas on Tipi wakan el hanta okatanpi qon yušpupi kta. Wacekiya wicaša kiksuyapi kta iyececa. Icin hunli etonwanpi šni kin on omaka ataya opta yušpupi šni ayušanpi.

Calhota Wednesday he February 24. Akilhaniciyapi omaka etanhan anpetu tokaheya kin hee.

Lent omaka kin el Anpetu wakan tokaheya kin he February 28 hehantu.

Palm Sunday-Calhaha etanhan canku owinštonpi qon-April 4.

Friday Wašte he April 6.
Easter-Kini-Anpetu kin he April 11.

Rogation - Wacekiyapi - Anpetu wakan kin May 16.

Ascension Anpetu kin May 20.

Whit Sunday-Anpetu-wakan-ska May 30.

Yamni Taanpetu wakan kin June 6.

Yamni iyohakab Anpetu wakan 24 henakeca kta. Wacekiye wicasa kin le ablezapi kta. Yamni iyohakab Anpetu wakan 23 ihun-nipi kinhan, iwikcemna nonpa sanpa topa kin on Wocekiye, Wowapi na Wotanin wašte owapi kin apšicapi kta, na iwikcemna nom sanpa zaptan on owapi kin he unpi kta. Le on Wocekiye Wowapi kin yublapi 198 woope el owapi kin he yawapi wašte.

Advent omaka kin el Anpetu Wakan tokaheya kin November 17.

St. Andrew Taanpetu kin November 30.

Yewicašipi Okašpe Išakpe Mniciyapi Icinonpa kin.

Omniciye kin de makobašpe tona iyowaja kin Colorado, Minnesota, Montana, Nebraska, North Dakota, South Dakota, qa Iowa henakeca etanhanpi. November 8, 9, qa 10th 1908 hena anpetu kin icunhan Fargo N. D. ekta Gethsemene Tipiwakan itancan kin

okna omniciye econpi, Bishop Hare South Dakota etanhan kin he omniciye en ataya Itancan, qa Rev. T. P. Thurston, Minneapolis etanhan kin he wowapi kage.

Sunday, Nov. 8, 1908.

Hinhannahca šakowin sam hanke ape qonhan Itancan Htayetu wotapi tawa wokiksuye wakan kin econpi. North Dakota okna Bishop un kin Rt. Rev. Cemeron Mann, he woocon wakan kin yuwakan qa Dean Burleson okiye,

Wikcemna sam hanke ape qonhan owacekiye tanka econpi, tipiwakan kin tanka ešaš oyate kin kaošins wicabe, Colorado, okna Bishop un kin Rt. Rev. Charles Sanford Olmsted, he wowahokonkiye econ, "Wicota om imdabde qa hena Wakantanka ti kin ekta awicawai." Psalm 42. 4. heon Wahokonwicakiye, qa wowohokonkiye waštešte ota nawahon ša tka ake de iyotankesceca wadake. Okodakiciye Wakan wan onupapi kin taku tonakeca tawakanheja kin onsepi kta e cinwicakiye cin hena oanpetu wakan iyohi wicoie tona unkeyapi ša kin hena ee qa ehan-tanhan najin hena oyate yuha upi qa unkiš nahanli hena ee e on Wakantanka ti kin en unkaipi ecee kin hena yawicake. Minnesota okna Bishop un kin he Wotapi wakan kin yuwakan, qa Rev. Dr. Clark wowapi kin yawa, qa Bishop Johnson South Dakota etanhan kin Wotanin wašte kin yawa, qa ehakena Bishop Hare woyawašte kin eye.

Wicokaya sanpa topa ape qonhan Wakanheja Anpetuwakan yawapi kin (Sunday School) wocekiye econpi, qa he en Col. A. P. Peake, Valley City, N. D. etanhan kin hee, qa Bishop Mann, qa Rev. Doctor Clark hena wakanheja kin wahokonwicakiyapi. Wicaša kin dena wicoie tona eyapi owasin owanjina Wowicada kin hee, qa Itancan tawocekiye kin, qa Woope wikcemna kin hena onwicaspe kte cin he wicohan tanka e heciyatan-yap patitanpi, wicoie waštešte kin dena wanna tona wanyake šniyan onsepi qa wanyake šni eyapi okihihi hecapi kin owacekiye oyanke opawinge ikiyena Dakota oyanke kin wecekna hiyeye cin ecekeen wanna tonakecapi hwo? qa hena tawapi hwo? qa token ewicakiyapi hwo?

Šakowin sam hanke ape qonhan ake owacekiye econpi qa he en Bishop kin tona unpi kin hena iye tamakapi ecekeen wicohan wakan kin hekta omaka kin icunhan taku tonakeca on iyoptapi scece cin hena okdakapi.

Bishop Mann, tamaka kin icokam wicaša wakan wicohan kuwapi kin napcinwankapi keye, Bishop Edsall, tamaka kin icokam mazaska womnaye kin ota qa hekta omaka kin tamazaska yukeya iyopte ičiyapi keye. Bishop Morrison, tamaka kin icokam oyanke owacekiye kin heca nina ota oica-

ga tka hehan mazaska on iyopte kte cin wanica keye, Bishop Williams, tamaka kin icokam Wicincana owayawa wan he cin Brownell Hall, he wicohan kin dehan tanyan iyopte qa owicajuna on sam nakun oyate kiksuye wicaši. Bishop Olmsted, Mniwanca kowakata omniciye tanka ekta ope qa wanna tiyata kdi qonhan wicaša wakan tona iye ihukuya wowaše econpi qon etanhan šakdogan oyanke tokeca ektakta iyayapi keye, heon tuwa tukten wowaše econ kta cin hantanhanš nakun en tehan un kta wan hena ikokam tanyan iwanyake qa econ wašte ee, eye. Bishop Hare iš eya ehakena wokdake qa iyeeš wowayazan on celipi kin decetu šni ešaš wicoie tona eye cin iyuha iye ca Anpetu-wi kin hinapeye sceca.

Monday, Nov. 9.

Hinhannahca šakowin sam hanke ape qonhan wotapi wakan econpi, Bishop Williams wotapi wakan kin yuwakan qa Rev. A. T. Young, Moorhead, Minn. etanhan kin he okiye qa Bishop Williams Wotapi-wakan woocon kin he on wahokonwicakiye.

Napcinwanka sam hanke ape qonhan ake hinhanna owacekiye econpi qa he iyohakam omniciye eyotanke, qa Bishop Edsall he omniciye kin de woope tona yuha kte cin he en Committee itancan kin he iwokdake, qa woope kin hena wanjigjina yawa qa he iwokdakapi hecen iyapi, qa eeen tonakeca yawa kin iyuha yuhapi kta yušanpi, ehan wanna wicokaya qa yewicašipi wocekiye eyapi, iyohakam Metropole Cafe, owotetipi kin he en winyan omniciye kin wodwiciyapi, qa woyute wašte šte cta unyutapi qa wicota napewicunyu-zapi.

Nom sam hanke ape qonhan ake omniciye qa he en Bishop Williams he itancanyanke qa yewicašipi okašpe išakpe kin de token makaowancaya yewicašipi wicohan kin iyecenya iyopteyapi kta iyeececa kin he iwokdakapi qa Rev. I. P. Johnson Minneapolis etanhan kin hee qa Rev. C. C. Rollit, Redwing, Minn. etanhan kin hee, qa Bishop Johnson, South Dakota etanhan kin hena wokdakapi, qa woawacin waštešte yataninpi, Mr. Johnson taku iwokdake cin he "Tukten wowašake yanke cin" he iwokdake, yewicašipi wicohan iyopteyapi kte cin he Christ Iyehca yewicaši qon he anagoptanpi kte, qa iyotanš "Ya po" ewicakiye cin he sdonkiyapi kinhan wašte ee eye, Mr. Rollit, "Obdecahanpi kin token awanwicakiyapi kte cin" iwokdake qa wotapi wakan opapi kin wanji makoce tokeca ekta eounyan ešaš nakun ihakamya keuwapi wašteka ee eye, Bishop Johnson "Ikeewicaša wotanin wašte nahonpi kte cin" iwokdake qa qa Dakota oyate South Dakota okna unpi kin hekta u ye cin Bishop Hare qa yewicašipi onmapi

kin wicohan token econpi qa yu-
stanpi kin hena ota cajeyate qa
wicohan wakan kin de nina tanyan
eonpapi heon hena heceknana to-
katakiya unkayapi kta ce, eye.

Topa ape qonhan ake omniciye
econpi, qa he en wicota wokdaka-
pi, tka oitancanyan Rev. Dr. Van
Fleet, Watertown, S. Dak. etan-
han kin hee qa Rev. Dr. Clark, qa
Rev. E. J. Mynard Montana, etan-
han qa Rev. Theodore Sedgwick
Minnesota etanhan hena sogya
wokdakapi, Doctor Van Fleet, he-
ye, yewicasipi wicohan kin de
iyopteunyanpi kta e heon tokanpi
kin wocekiye ewicunkiciyapi kta
ce eye, Dr. Clark, yewicasipi eci-
yatanhan wosdonye token icupica
kin cajeyate. Mr. Mynard yewi-
casipi wicohan kin onspeiciciyapi
kta iyececa keye, Mr. Sedgwick
wiyohinyanpata yewicasipi hu-
tkan yankapi kin ob wowaše econ-
qonpi kta iyececa ce eye.

De iyohakam yewicasipi okašpe
išakpe kin de icokata iyaza omani
kta wan kalinigapi qa he Rev. C.
C. Rollit, Redwing, Minn. etan-
han kin hee.

Htayetü šakpe sam hanke ape
qonhan Masonic Temple, okna
wodwicayapi qa woyute wašte ota
unyutapi qa wodunkayüstanpi kin
eceknana Hon. John Frame, Bish-
op Edsall, Doctor Clark, Rev. I.
P. Johnson, Rev. Theodore Sedg-
wick qa Mr. Clement Chase, Oma-
ha etanhan qa Bishop Mann, he-
nakeca wokdakpi, qa denakeca
wokdakapi eša wicaša tonakeca
nañonyankapi kin wanjina watuka
iteke šni, iyuha iyokpiyelcin yan-
kapi awabdeze, Htayetü kin de en
owote tanka kin de en wicaša tona
opapi ecena akiktonjapi kta woda-
ke šni, tipi tukten unqonpi kin
ekta unkdipi unkan wanna hanco-
kaya wihiyayena akenonpa ape,
hececa ešaš nakun nahanñcin ima-
mna šni sceca.

Tuesday, Nov. 10.

Bishop Olmsted wotapi wakan
kin yuwakan, Napciwanka sam
hanke ape qonhan hinhanna woce-
kiye econpi, iyohakam ake omnici-
ye wocon kin hena econpi, Arch-
deacon Parshall Duluth etanhan,
Rev. A. T. Gesner, Minnesota
etanhan, Warden McElwain, Sea-
bury Divinity School, etanhan, qa
Rev. Dr. Palmer, Colorado etan-
han henakeca wokdakapi.

Archdeacon Parshall Sunday
School Wakanheja anpetu wakan
wayawapi kin he iwokdake, qa
heca cana unpicašni eye, Mr.
Gesner, okodakiciye wakan etan-
han owayawa he cajeyate, qa tuwa
woonspe ihunni ešaš wocekiye
cona woonspe ihunni kinhan he
woonspe ihunni eyepica šni eye,
Warden McElwain, wicaša wakan
onspeiciciyapi kin sanpa otapi kta
iyececa he wicohan kin cajeyate,
qa hena tuwapi kte cin makoce to-
kiyatanhan upi qa wicaša wakan
onspeiciciyapi kta he? eye hena
tuwapi kta kecanmi kin hena niye

yatipi kin imahen unpi kin hena
cepi kta iyececa ce eye, Doctor
Palmer, wicaša wakan wicalica kin
token en ewicatonwanpi qa owica-
kiyapi kta iyececa kin he cajeyate,
qa heye, Akicita wicalica kin hena
wi iyohi wokajuju yuhapi ecee,
unkan iyeš wicaša wakanpi kin
dena tuktetu kešaš maka kin
owancaya “ya po” ewicakiyapi qa
iyecen econpi qa ecekeen kanpi
tka tokaca wanna kaupi canna
wiši wicaqupi šni hwo? eye, nakun
Bishop Edsall qa Bishop Morrison
hena mniwanca kowakata omnici-
ye tanka ekta bdokehan ipi kin
hena okdakapi qa etanhan woawa-
cin waštešte ota yataninpi. Hehan
ake makaowancaya yewicasipi on
yuwitaya wocekiye eyapi qa iyo-
hakam ake Metropole Cafe, Owo-
tetipi kin ekta Winyan omniciye
kin wodwicayapi.

Wicokayasampi nom sam hanke
ape qonhan ake omniciye eyotan-
ke Bishop Olmsted, itancanyanke,
qa yewicasipi wicohan oyate wice-
kna wanke cin he iwokdakapi qa
Rev. Dr. Hare, Iowa etanhan, qa
Mr. H. S. Nollen, Iowa etanhan
qa Judge C. F. Amidon, qa Dean
Beecher, Omaha etanhan hena wo-
kdakapi, Doctor Hare, he “Okodaki-
ciye wakan kin qa tiwahe” he
cajeyate, Tiwahe yuke kte cin he
Wakantanka hecen cin qa iyecen
yuštan e heon tiwahe itimahen
wocekiye wicohan kin he ounye
kta iyececa ce eye, qa he iyoopte
okiciyuze kin he cajeyate qa
ehaaš okiciyuze kin inañnpi qa
kohannaš kiciynzapi kta cinpi qa
econiyeyapi ecee kin hena yuoni-
hanyan, ksamyahan iyukcanyan,
wacinksamya, qa Wakantanka ko-
kipeyahan econpi heca ecinpica šni
ce eye. Mr. Nollen he Okodaki-
ciye wakan kin tiyošpaye wicekna
wanke cin he cajeyate-qa oyate
ota iye tatiyošpayepi kin hen
ecena okodakiciye wakan kin he
ikiapiya wanke kta he woawacin
kin on nunipi ecee tka Christ ta-
wotanin wašte kin he wotaninwa-
šte wokiconze wan heca ce eye.
Judge Amidon he Okodakiciye
wakan kin makobašpe icokata
yanke cin he cajeyate, qa mako-
bašpe hiyeye cin hena wicekna
wicohan šica woalñtani obe ota
hiyeye cin hena ota Okodakiciye
wakan kin he yuasni yanka ecee
ešaš hena wicaša kin abdezapi šni
on Okodakiciye wakan kin nina-
lica atanpi šni ecee ce eye, Dean
Beecher “Okodakiciye Wakan kin
qa wicaša tona wowaše econ unpi
kin” he cajeyate, qa wicaša wo-
waše ota econpi keiciyapi qa heon
Okodakiciye wakan kin en yeici-
yapi kte cin he okanpi šni e kei-
ciyapi, ecee, tka he hecetu šni
Okodakiciye wakan kin he wicaša
owasin tiwahe tawapi wan heca ce
eye.

Zaptan ape qonhan Htayetü wo-
cekiye econpi qa he en Bishop
Morrison wowahokoukiye econ,
wocekiye wocon kin de “Deyo-

tional Seryice” eyapi, he woawa-
cin, qaiš woohoda qaiš wotankada-
pi wocekiye heciyatanyan kapi,
tona owacekiye de opapi kin
awacinyeli econpi, qa ohodayeli
econpi, qa wowašte icupi kte cin
otankadapi iyecenya econpi qa
awicakehan Woniya Wakan kin
he ataninyan wicohan ounye cin
iyecen tona opapi kin cantepi kin
woniya wakan ojugjuna yuha kdi-
napapi ecanmi.

Šakowin sam hanke ape qonhan
ehake yuwitaya wocekiye econpi,
tipiwakan kin ocikan šni, Bishop
yamni wokdakapi, Bishop Mann,
iye tokaheya wokdake qa behan
Bishop Williams, Bishop Edsall qa
Bishop Hare wokdagwicaši. “Okodaki-
ciye Wakan kin yewicasipi
wicohan tawa kin he tukte e he?”
he iwokdakapi qa Bishop Wil-
liams, Nebraska etanhan kin he
“Otonwake iyokihe kin” he iwo-
kdake qa otonwahe owecihanyan
hiyeye cin hena iyaza okodakiciye
wakan kin yewicasipi wicohan
tawa kin iyopta yanke, tka iyotan
wanji wayuwašte tanka kin he
Wocekiye wowapi kin hee ce, eye.
Bishop Edsall he “Wakantanka
qa maka kin owancaya” he iwokda-
ke qa tona wanna maka kin de en
Christian icagapi kin wicohan tona
tawapi kin yatanin. Hehan cha-
kena Bishop Hare unkitawapi kin
wokdake, qa awicakehan Wakan-
tanka eciyatanhan ateyapi okini-
han kin de wicoie tona hinapeye
cin owasin woiyaksape wicoie heca
qa woiyopaštake wicoie heca.
“Otonwahe iyokihe” wicoie kin he
unkikiyena unpi kin hena cepi ce
eye, qa “Wakantanka kin qa maka
kin” he tona Wakantanka tamaka
kin waštedakapi qa tehindapi kin
hena cepi ce eye, qa “Maka kin
Owancaya” he iwokdake qa yewi-
casipi wicohan kin he maka kin
owancaya hunkawanjinkiciyapi,
waštekecidapi kte cin hee ce eye,
owacekiye kin de en womnaye
econpi kin he “wicaša wakan wi-
calica” on womnaye kin hee, qa
Bishop Waksica ahiqupi kin hen
ikiyena nawajin ešaš mazašana
wanjina wanbdake šni tka ee ma-
zaska mniñuha heca kin toyapi se
waksica kin onahayena ahiqupi,
qa Wakanwošnapi wakan kin akan
Wakantanka wakiyušna, iyoha-
kam Bishop Hare woyawašte kin
eye qa ehake hecin yewicasipi Odo-
wan wan

O Zion wankantan wanišipi kin,
Wakantanka Iyoyanpa hec cin,
Qa wicanagi wan ta cin šni kin he
Daotanin kta e inañni yo.

Jesus toyuške,
Wopekiton
Wookiye ko
Dena oyaka wo.

He ahiyayapi tka oiyokipi kin
on ehaš makaakantu šni seecece.

Omniciye kin de Niobrara Dean-
ery etanhan tob oonpapi, Dean
Ashley qa Rev. P. J. Deloria qa
Mr. Peter Webster, Standing
Rock Agency etanhan, qa miye
hena untopapi, behan Hahatonwan

wicaša wakan yamnipi Rev. Fred
W. Smith, qa Rev. George Smith,
qa Rev. E. C. Kah-O-Sed, hena
yamnipi, qa wiyoliŋeyata ikcewi-
caša oyate wan Mahpiyato ewica-
cakiyapi kin hetanhan wicaša wa-
kan Rev. Sherman Coolidge, eci-
yapi he nakun en ope, toka wicaša
wakan kin de on Bishop Whipple
ni qonhan decen eye, “Rev. Sher-
man Coolidge, Shoshone Agency
etanhan kin he tona kin awacinpi
wašte. Oanpetu wan en iye tao-
yate kin etauhan akicita ob kiciza-
pi, qa atkuku kin en ktepi, qa
hunku kin e toktokeca ob najice
qa ni iyaye, qa hokšina kin de
icupi. Captain Coolidge Chris-
tian cantewacantekiya heca qa
hokšina kin de akicitatipi kin ekta
akdi, qa tanyan kuwa qa Mrs.
Coolidge mniakaštan wicakkiye qa
Sherman Coolidge eya coštanpi.
Iyohakam omaka wanjigji Mrs.
Coolidge wowapi micage qa tokata
token un kta iyececa cin he iyu-
kean maši. Qa hokšina kin he
waonspeiciciye wakiye kta mikdu-
štan, qa mazacanku, qa watapeta
en oitancanpi kin hena omakiyapi
qa iye kajujušniyan St. Paul ekta
bihunni hokšina wayawatipi mita-
wa kin en opowakiya, unkan wa-
yawapi ope cin nina mniheca qa
kohannaš wowapi wayupike. An-
petu wan en mahi qa heye, “Bish-
op Mahpiyato oyate kin etanhan
okinni mišnanali Christian heca
imacaga naceca, heon mitaoyate
kin ekta wotaninwašte abde kta
wacinee” eye qonhan wicašawakan
onspeiciciyapi owaonspekiye unki-
tawapi kin en opa, tawoohoda qa
Taku wakan ohoda kin eciyatan-
han tona en waonspekiyapi kin
owasin yuonihanpi. Omaka wan
ehake Seabury en un kin icunhan
mdoketu wayawa asnikiyapi kin
icunhan wašicun ekta wocekiye
oyanke unkitawapi kin wanji etan-
han wowapi wan maqupi, qa wica-
ša wakan onspeiciciyapi kin he
etanhan wanji wocekiye ecawica-
kicicon kta e makidapi. Fari-
bault en wanjinali okaptapi kin he
Sherman Coolidge hee, heon
oanpetu wakan wan en ekta ye-
waši, unkan oyate kin nina iyoki-
pipi, qa tohanyan wayawapi šni
kin hehanyan om un kta cinpi qa
icemakiyapi, qa iyecen econ, qa
iyohakam ihanke kin ekta wica-
yusutapi opapi kte cin heca qeya
miye en awicahi. Wanna Deacon
kagapi qonhan ake nakun hece-
knana wicaša wakan yuhapi kta
cinpi qa makidapi, tka iye taoyate
ekta un kte cin heon wicawada
šni. Wanna Agency tawa kin
ekta kihunni qonhan winyan wan
icaštag hinyanke qa “Micinkši kin
he niye ce” eye, unkan he wowi-
cake. Iyohakam hunku kin ta-
kuwakan sdonye šni kin de
Wanikiya kin en akdi kin he wo-
kihi kin yuhe. Qa omaha nom
yewicasipi wicohan econ kin
iyohakam woiyopte tokeca onspe-
iciciye kta e owaonspekiye itancan

waonsida kin Eliphalet Potter okiye, qa Hobart College en opa. qa iyohakam Priest Wošnjakaga econšipi qonhan Wyoming ekta oyate unpi kin waawankdake hecakiyapi. Qa hene wookihi yuha wowaše econ.

William Holmes.

Winyan Omniciyepi kin etanhan.

Santee, Neb. Chapel of the Holy Faith ed Sept. 16. 1908 qon Winyan omniciye apiiciyapi. Mrs. Maggie Whipple, Itancan; Mrs. Maggie Lawrence, Okihe; Mrs. Nina G. Johnson, Wowapi kaga; Mrs. Jennie Rouillard, Mazaska awanyaka; Mrs. Lucy Kitto, Wokagege wiyopeye; Mrs. Ellen Johnson qa Esther Godfrey, wamnayanpi.

Dena wiakenonpa Wakantanka itakinipi kta. Hecen mitakuyepi wocekiye on unyksuyapi kta uncinpi.

Nina G. Johnson.

Cherry Creek, S. D. Oct. 11, 1908 anpetu kin lehanl yuonihanyan iyapi conala yaotanin ciši kte. Le anpetu kin el Rev. E. S. Bull St. James oyanke econ, na iglušan kin iyohakab omniciye yuhapi na St. Andrew Tipi wakan el Winyan omniciye unpi kin etanhan iglušpapi nahan St. James winyan omniciye ošpaye teca unpi kta gluštanpi, Rev. E. S. Bull itancan yanke na lena oitan-can unpi kta wicayuštanpi: Mrs. L. R. Horse, Itancan; Mrs. M. B. Bull, Iyokihe; Mrs. I. Hunter, Wowapi kaga; Miss Nancy B. Bull, Mazaska awanyaka; Mrs. F. K. W. Man, Wahpaye awanyake; Miss Elizabeth B. T. Horse na Eugenie Tasagye, Wamnayanpi; Miss Agnes P. V. Crane na Mrs. Shell Necklace, Wayazanke awanyakapi; Mrs. Mary S. Tail, Tiyo-pa awanyake.

Mitakuyepi tona Anpao iyacupi nahan taku oyasin owanjila ehapi kin hel icunhan winyan omniciye teca icagapi kin wicayeksuyapi nin ecanmi. Tona Day Break kolayayapi kin iyuha wanciyakapi kin iyecel napeciyuzapi iyuskin-yan.

S. E. Chasing.

Sisseton, S.D. St. James oyanke etanhan Winyan Omniciye oitan-can pikiyapi, Nov. 30, 1908 en decen yuštanpi: Mrs. Nellie Owen, Itancan; Martha Shaker, Itancan okihe; Jennie Keeble, Wowapi kaga; Cecilia Rondell, Mazaska awanyaka; Louise White qa Emma Max, Wamnayanpi. Dena omaka wanji Wakantanka itakinipi kin tokahanpi kta, hecen owasin wocekiye on unyksuyapi kte. Den winyan omniciye unqonpi kin winolca tanka qa wikoške, qa wicinnyanna waniyetu aketopapi wokagege opa kin wikcemna zaptanpi, qa anpetu izaptan kin he en unkiš anpetu kin Wakantanka itaunkinipi ye. Winyan owasin

waštekičidaya, kiciyuonihanyan unškanpi ye. Taku woecon wokiksuye anpetu kin owasina aho-unpapi ye, Wopida eyapi Anpetu, Christmas anpetu, Easter anpetu, hena en wotapi unkagapi ecee ye. Den Okodakiciye unqonpi kin Lent en anpetu tokaheya wote šni Tipi wakan unkitawapi ekta unqonpi ecee ye.

Wakeya wan on womnaye econunyašipi econqonpi ye, mazaska wikcemna mnaunkiyapi qa wiyeyayanke ye; Wicašta wakan unkitawapi huake kte, tohan yacinpi kin yakidapi kte.

Winyan okodakiciye unqonpi kin token wicohan yuha unškanpi kin ohinni onaunkicilionyan unqonpi wašte tka. Tobinni decen unkoħdakapi šni unkiye den oyanke unqonpi kin, tka detanhan wanna he ohinni econqonpi kta awauncinpi kte. Wanna he-nana epe kte, owasinna tona Anpao wandakapi kin napeciyuzapi ye. Mrs. Jennie Keeble, Wowapi kaga

St. Peter's, Crow Creek, Winyan omniciye kin itancan piya wicakalnigapi kin decen yuštanpi: Mrs. Mary Riley, Itancan; Mrs. Jessie Kicopi, Itancan okihe; Mrs. George Keble, Wowapi kaga; Mrs. Redbail, Mazaska awanyaka; Mrs. Susie Ohbo, Wopeton; Kate Tunkangiwin, Wamnaye; Mrs. Ida Bliss, Opiyeto awanyaka.

Rosebud, Epiphany Chapel etanhan

Anpao kin:

Mitakuyepi lehanl Winyan omniciye apiunkiciyapi na lena Wakantanka ohlateya onšiciya wowaši econpi kta ca wicaglalni-gapi.

Itancan, Mrs. Lucy Coffee; Itancan okihe, Mrs. Louisa Stand on Island; Mazaska awanyake, Mrs. Susie Bear Man; Wowapi kaga, Mrs. Mollie B. Williams; Wokagege awanyaka, Mrs. Bessie Straight; Wokagege wiyopeye kin, Mrs. Ella Comes from War; Wamnaya nonpapi, Mrs. Millie Little Crow na Mrs. Kate Black Ring; Tiyo-pa awanyaka, Mrs. Nellie Ear Ring.

Eya winyan omniciye lel unpi tka tohanui wagluotaninpi šni, tka lehanl naunyaonpi uncinpi. Eya taku awacanmi kin he wakan cekiyapi etkiya taku econqonpi kin hena otuya kte šni, na icunhan Wowapi wakan teca kin Markos Wic. 11 oegle 22 el "unkan Jesus waayupte ca hewicakiya, Wakantanka wacinyanpi kin he yuha po." Hecel wicoiye kin le on wicatan-can na wicotawacin kin ataya econpi nin ecanmi ye, na Winyan omniciye yaunpi kin Wakantanka wanjila kin eciyatanhan iyecel unwanjipila kin wocekiye on unyksuyapi nin. Winyan omniciye oyasin napeciyuzape.

Mrs. Mollie B. Williams

Anpao kin:

Paha yamni en Sina ska unqonpi kin hekta Oct. 11, 1908 en omniciye apikiyapi, qa dena Wa-

kantanka tokiconze en itakinipi kta: Joseph Two Bear, Itancan; Clement Cold Hand, Okihe; John C. Zahn, Wowapi kaga; Mark Red Bull, Mazaska awanyaka; Little Bird qa Daniel Cold Hand, Wamnayanpi; Luke Shot Buffalo qa David Shell Track, Woyazan awanyakapi; William C. Cross, Yewicašipi; Martin Iron Bull, Iapi awanyaka; Matthew Red Hail qa Jacob Take the Shield, Tiyo-pa awanyakapi qa wiakenonpa Wakan tanka itakininipi kta on wicohan yuhapi.

Ito mitakuyepi, wicaša owasin qa unkičincapi token unqonpi kinhan tanyan unqonpi kta he. He okna cajebdatin kta. Unkičincapi kin icahitaya Wakantanka eceena on unkitiwahepi kin heceena on unkiwaštepi kta. Nitakuyepi wanji miye, Joseph Two Bear.

Token on Christmas en witaya unhipi he. Mitakuyepi token owakalnige cin cajebdatin kta. Wanikiya tonpi kta e on owasin canwašteya unhipi. Nitakuyepi wanji, Julie S. Cross.

Mitakuyepi iapi tonana epa wacin. Taku tona iyabduze cin he Wowapi wakan etanhan wokdag mašipi canna dina iyomakipi. Wicaša ksapapi qon ota iyaiciqtapi šni, qa taku wašte iyayuzapi unkan en etonwanpi šni. Wotanin wašte kin oyakapi wašteke, malpiya wokiconze token unhanpi kinhan malpiya wokiconze kin en unyanpi kta hwo ecanmi. Maka kin de akan niunqonpi kin tokata unapi kta e unni en wotanin wašte kin oyag maunni wašteke, qa hehan niunqonpi kin en unna-gipi kin qa untancanpi ocowasin unkduškanškanpi, qa wocekiye en aicičiya unqonpi wašteke. Ho mitakuyepi henana epa wacin. Owasin micante on napeciyuzape do. Nitakodapi wanji he miye, Philip One Hawk.

Anpao kin:

Mitakola, iyapi conala on onši iwayin kta wacin. Yunkan taku tona piwala na on etanhan hepe kin he Wiwila wakpa opaya, St. Andrew's Station etanhan tona nahašei Miniawicakaštanpi šni qon hena, nahan tona Wicayusntapi econpi šni qon hena, nahan tona Itancan Itayetu wotapi tawa icupi šni qon hena oyasin lehanl tanyan igluštanpi. Yunkan he wicaša wikcemna nom sam iyeya wicohan wašte kin he tanyan igluštanpi. Ho he piwala lice cin hee na hena hecetu. Yunkan ehanni wicalakota qon hehan wicohan wan econpi sa keyapi, wicaša wan keya wan kte na pate na cante kin icu na hokšila eya wicakico na ipahileya ewicagnakin na keya cante qon ciqala eša cisciscila waksaksa iyohila wicaqu, na iyohila yuta po, le keya kin cante suta na wašake kin he iyecel cantenitinzapi, na tokatakiya oyate egna tehan yanipi kta eya, keyapi. Yunkan mitakuyepi tona Itancan Itayetu wotapi tawa unkičupi qon hena, na wicohan hececa econqonpi qon hena, tonkin wacintanka unyuhapi nin ecanmi, na hecel Wakantanka etkiya icewakiya iecceca, yunkan Okolakiciye wakan el sutaya aiun-

cagapi kte na sanpa unkiye unkiwaštepi kte. Mitakuyepi, Wakantanka waštelalaka ce unkiyepi kin he iye-cel otoiyohi cantekiciciya unqonpi nin hecel ecanmi. 1 John 4: 20. Ho mitakuyepi tona Christian yaunpi qon hena, na tona Anpao iyacupi kin oyasin micante on napeciyuzapi. Takuyayapi wanji on-sike cin he miye.

William Walking Eagle.

St. James Church, Sisseton.

Anpao kin de miciyuotanin wacin. Ito mitakoda taku wanji epa wacin ye do. Taku owas en woonspe ihunnipi yukan e sdonunyanpi, unkan woonspe kin owas ihanke yukan, tohan ipi can he wanna ihunnipi keunkiyapi. Unkan woonspe obe ota, unkan hena owas wicaša en itanipi ce, hehan hen ocaje yukan ce. Ho eya hecetu. Mitakodapi wanna waniyetu napeiwanka ecan he ehan Miniawicakaštanpi unkan dehanyan ohna waun šni, unkan he taku on hececa he. Mitakodapi mini wakan kin hee, maka akan taku wanji wašagya u kin hee awabdeza, unkan wanna mitakoda wašte ota mini wakan yatkan woonspe ihunnipi, wanna onge woonspe ihunnipi qa Haheta owanji yukanpi sdonunyanpi. Unkan he woonspe wašte heca hwo, mitakodapi tuwe taku wanji tehan yuha can hehan-yan tokeca kin he tanyan sdonkiye. Ito woonspe kin de nonpa, unma kin he wocekiye woonspe heca, unkan he unma tukten wašte hwo. Mitakodapi, unma tukte wašte kin he ota sdonunyanpi šni, onge wocekiye siceundapi, onge mini wakan ihannktapi. Mitakodapi mini wakan wanica unkanš dehan wowahecon owas wanhdag yaunpi kta tka. Hehan ota unkičincapi teunhidapi keunkiyapi, eca Wakantanka unkiyukeanpi on iyicacu ecee, hecon ca akes wicun-kapi šni, hecon can hehan iynpseya unyanpi qa ecan woaltani on unapi ecee; hecen unkičincapi teunhindapi keunkiyapi kin he wicun-kapi šni, icin tokiyotan iyayapi kin he ekta unyanpi šni, onšiwicundapi hecinhan Wakantanka iwicacu kin he ekta unyanpi kinhan anpetu ehake kin en om wowiyuškin tanka unyuhapi kte do. Ho eya mitakodapi takuna Wakantanka itakinipi en omapa šni ye do, tka ee Mini amakaštanpi qa Wotapi wakan ecanon. Ho unkan Wakantanka itakinipi eyapi kin he ninagipi ni kta on itaun-nipi kta he kapi, qa taku tona Wakantanka iyokipi šni kin hena elipeunyanpi kta he kapi; napsannina on taku econqonpi kinhan hankeya wacin ibounšakapi kte, hecen napsanni taku ihannktapi kin hena adoksohan Wakantanka itaunkinnipi kin he wašte šni, hecen iste nopin on Wakantanka itaunkinipi wašte, mitakodapi tona Wakantanka itaunkinipi kin hena anpetu owas mini wakan yatkan qa woaltani econ unškanpi kinhan tokenken wicaša wahokonunkiyapi kta he, taku wanji owanyake šica qa ponpon keš tanyan piyapi ca wašte ecee, he iyecen wicaša cehpi taku šica ihakta kin he etan icupi qa Wakantanka toope en ehdepi ca owanyake wašte ecee. Ho mitakodapi tona Anpao iyacupi kin owas cante on napeciyuzapi.

Edwin Blue Dog.